



MENTERI KEWANGAN MALAYSIA

PENDAHULUAN

Saya kemukakan di Dewan yang mulia ini buku Anggaran Perbelanjaan Persekutuan 2017 yang mengandungi Anggaran Perbelanjaan Mengurus dan Pembangunan bagi kementerian dan jabatan untuk melaksanakan program, aktiviti dan projek pembangunan bagi tahun 2017. Anggaran ini merupakan peruntukan bagi tahun kedua pelaksanaan Rancangan Malaysia Kesebelas.

Selaras dengan matlamat menjadikan Malaysia sebagai sebuah negara maju berpendapatan tinggi dan berdaya tahan, Kerajaan terus komited untuk melaksanakan langkah konsolidasi fiskal dan ke arah mencapai bajet berimbang pada tahun 2020 walaupun menghadapi persekitaran ekonomi dan kewangan global yang tidak menentu dan kian mencabar. Konsolidasi fiskal ini adalah berasaskan langkah pengurusan kewangan yang cekap, berkesan dan perbelanjaan berhemat.

Anggaran Perbelanjaan Persekutuan 2017 turut mengutamakan program-program yang berteraskan rakyat atau 'people centric' serta memberikan tumpuan dan fokus kepada projek pembangunan dalam Rancangan Malaysia Kesebelas bagi memastikan kemampuan ekonomi negara terus berkembang. Penekanan akan diberi kepada mendahului kepentingan rakyat, merancang pertumbuhan ekonomi, mengukuh daya saing, produktiviti dan inovasi, memperkasa modal insan dan mengurus fiskal secara berhemat.

Saya yakin maklumat yang terkandung dalam buku ini dapat memberi gambaran yang jelas mengenai Perbelanjaan Mengurus dan Pembangunan serta program, aktiviti dan projek setiap kementerian dan jabatan bagi tahun 2017. Maklumat daripada buku ini diharap dapat membantu semua pihak serta menjadi buku rujukan bagi perbahasan bajet tahun 2017.

DATO' SRI MOHD NAJIB
21 Oktober 2016